

## 237 mkr heildarhagnaður á fyrri árshelmingi

### Eiginfjárlutfall 43,8% í lok annars ársfjórðungs

REYKJAVÍK - 18. ágúst 2017 - Nýherji kynnti í dag uppgjör annars ársfjórðungs og fyrri árshelmingis 2017

#### Helstu upplýsingar:

- Sala á vöru og þjónustu nam 3.608 mkr á öðrum ársfjórðungi (4,9% tekjusakdráttur frá F2 2016) og 7.605 mkr á fyrri árshelmingi (6,7% tekjuaukning frá 1H 2016) [F2 2016: 3.794 mkr, 1H 2016: 7.126 mkr]
- Framlegð nam 904 mkr (25,0%) á öðrum ársfjórðungi og 1.880 mkr (24,7%) á fyrri árshelmingi 2017 [F2 2016: 931 mkr (24,5%), 1H 2016: 1.816 mkr (25,5%)]
- EBITDA nam 211 mkr (5,9%) á öðrum ársfjórðungi og 453 mkr á fyrri árshelmingi (6,0%) [F2 2016: 259 mkr (6,8%), 1H 2016: 439 mkr (6,2%)]
- Heildarhagnaður á öðrum ársfjórðungi var 166 mkr og 237 mkr á fyrri árshelmingi [F2 2016: 73 mkr, 1H 2016: 111 mkr]
- Eiginfjárlutfall var 43,8% í lok annars ársfjórðungs en var 39,7% í lok mars

#### Finnur Oddsson, forstjóri:

„Hagnaðar Nýherjasamstæðunnar á öðrum ársfjórðungi og fyrri árshelmingi var góður, 237mkr samanbórið við 111 mkr í fyrra. Engu að síður eru all nokkrar ögranir í rekstri samstæðunnar, en áframhaldandi launaskrið og miklar sveiflur á gengi íslensku krónunnar hafa almennt neikvæð áhrif á rekstur og draga úr samkeppnishæfni íslenskra fyrirtækja, bæði til skemmri og lengri tíma.

Samdráttur var í tekjum og rekstrarhagnaði á öðrum ársfjórðungi, sem er ekki ásættanlegt þó samdráttinn megi að hluta skýra með mikilli styrkingu krónunnar á tímabilinu þar sem stór hluti tekna samstæðunnar er í erlendum gjaldmiðlum eða tengdur verði þeirra. Félagið hefur að hluta til varist gengissveiflum með áhættuvörnum sem styrkja niðurstöðu uppgjörs að þessu sinni.

Drifkraftur í vexti Nýherjasamstæðunnar á fyrri helmingi árs er áfram í sölu og þjónustu á hugbúnaðarlausnum, tækniráðgjöf og rekstrarþjónustu, en spurn eftir þjónustu af þessu tagi, skýlausnum og aukinni sjálfvirkni, hefur farið vaxandi síðustu misseri. Sala á PC tölvum og hljóð- og myndbúnaði hefur gengið vel en samdráttur var í sölu á miðlægum búnaði á öðrum ársfjórðungi.

Tekjur Tempo vaxa áfram hratt, um 36% (í USD) frá fyrra ári. Mikilvægum stefnumótandi áfanga var náð þegar ný kynslóð af Tempo Cloud for JIRA var tekin í notkun. Flutningi viðskiptavina yfir á nýja lausn er lokið, en með þessari nýju kynslóð er virkni Tempo lausnarrinnar bætt til muna og mögulegt er að samþætta hana við aðrar skýjaþjónustur en eingöngu JIRA frá Atlassian. Við horfum nú til þeirra tækifæra sem nú opnast til frekari vaxtar og vöruþróunar á mun stærri markaði en hefur hingað til verið aðgengilegur fyrir Tempo.

Umsvíf Applicon, TM Software og hugbúnaðarsviðs Nýherja jukust einnig, en gróska er í þróun hugbúnaðarlausna. Meðal nýrra lausna sem kynntar hafa verið eru Driver Guide frá TM Software, sem er lausn fyrir bílaleigur og CCQ, gæðastjórnunarlausn í skýinu, sem hvoru tveggja hafa hlotið góðar viðtökur. Stefnt er að því að bjóða CCQ og Driver Guide á fleiri mörkuðum en þeim íslenska þegar fram líða stundir.

Við erum um margt ánægð með stöðu Nýherjasamstæðunnar, bæði m.t.t. áhugaverðra verkefna sem við sinnum fyrir góða viðskiptavini og einnig hefur fjárhagsstaðan sjaldan verið betri, en eiginfjárlutfall stendur nú 44%. Félagið stendur því sterkt í dag, en það er ljóst að áfram má búast við að ákveðnir þættir í rekstrarmhverfi íslenskra fyrirtækja verði ögrandi og að alþjóðleg samkeppni hafi æ meiri áhrif á innlendan rekstur.“

#### Rekstrarniðurstaða á fyrri árshelmingi 2017

| Rekstrarreikningur - Lykiltölur                        |                |                |
|--------------------------------------------------------|----------------|----------------|
| Í milljónum ISK                                        | 1H 2017        | 1H 2016        |
| Seldar vörur og þjónusta                               | 7.605          | 7.126          |
| Vörunotkun og kostn.verð seldrar þjónustu              | (5.725)        | (5.310)        |
| <b>Framlegð</b>                                        | <b>1.880</b>   | <b>1.816</b>   |
| Rekstrarkostnaður                                      | (1.705)        | (1.618)        |
| <b>Hagnaður fyrir fjármunatekjur og fjármagnsgjöld</b> | <b>174</b>     | <b>199</b>     |
| Hreinar fjármunatekjur (fjármagnsgjöld)                | 105            | (83)           |
| <b>Hagnaður fyrir tekjuskatt</b>                       | <b>279</b>     | <b>116</b>     |
| Tekjuskattur                                           | (32)           | (19)           |
| <b>Hagnaður tímabilsins</b>                            | <b>248</b>     | <b>97</b>      |
| Þýðingarmunur dótturfélaga                             | (11)           | 14             |
| <b>Heildarhagnaður tímabilsins</b>                     | <b>237</b>     | <b>111</b>     |
| <br><b>EBITDA</b>                                      | <br><b>453</b> | <br><b>439</b> |

- Sala á vöru og þjónustu nam 7.605 mkr á fyrri árshelmingi 2017, samanborið við 7.126 mkr á sama tímabili árið 2016, sem er aukning um 6,7% á milli ára
- Framlegð nam 1.880 mkr (24,7%) á fyrri árshelmingi 2017, samanborið við 1.816 mkr (25,5%) á sama tímabili árið 2016
- Rekstrarkostnaður var 1.705 mkr á fyrri árshelmingi 2017 (22,4% af tekjum), samanborið við 1.618 mkr (22,7% af tekjum) á fyrri árshelmingi 2016
- Laun og launatengd gjöld sem hlutfall af tekjum var 40,3% á fyrri árshelmingi, samanborið við 37,9% á fyrri árshelmingi árið 2016

TIL BIRTINGAR FÖSTUDAGINN 18. ágúst 2017  
<http://www.nyherji.is/nyherji/fyrirtaekid/fjarfestar/>

- Hreinar fjármunatekjur eru um 105 mkr samanborið við fjármagnsgjöld að fjárhæð 83 mkr árið 2016. Á fyrsta ársfjórðungi gerði félagið framvirkan samning um sölu á erlendum gjaldmiðlum til að verja að hluta til rekstrareiningar þar sem tekjur eru í erlendum gjaldmiðlum en kostnaður að stærstum hluta í íslenskum krónum. Gengishagnaður af samningum er bókaður undir Fjármunatekjum
- EBITDA nam 453 mkr (6,0%) á fyrri árshelmingi, samanborið við 439 mkr (6,2%) á fyrri árshelmingi árið 2016
- Heildarhagnaður á fyrri árshelmingi 2017 nam 237 mkr samanborið við 111 mkr heildarhagnað á fyrri árshelmingi árið 2016

**Efnahagsreikningur 30.06.2017**

| Efnahagsreikningur 30.06.2017 –<br>Lykiltölur |              |              |
|-----------------------------------------------|--------------|--------------|
| Í milljónum ISK                               | 30.06.2017   | 31.12.2016   |
| Fastafjármunir                                | 3.239        | 3.287        |
| Veltufjármunir                                | 2.982        | 3.624        |
| <b>Eignir samtals</b>                         | <b>6.221</b> | <b>6.911</b> |
| <br>                                          |              |              |
| Eigið fé                                      | 2.726        | 2.329        |
| Langtímaskuldir                               | 1.468        | 2.028        |
| Skammtímaskuldir                              | 2.027        | 2.553        |
| <b>Eigið fé og skuldir samtals</b>            | <b>6.221</b> | <b>6.911</b> |
| <br>                                          |              |              |
| Veltufjárhlutfall                             | 1,47         | 1,42         |
| Eiginfjárhlutfall                             | 43,8%        | 33,7%        |

- Veltufjármunir lækka um 642 mkr frá árslokum 2016, úr 3.624 mkr í 2.982 mkr. Handbært fé lækkar um 322 mkr á tímabilinu, einkum vegna uppgreiðslu á vaxtaberandi lánum. Viðskiptakröfur og aðrar skammtímakröfur lækka um 408 mkr á tímabilinu
- Vaxtaberandi langtímaskuldir lækka um 561 mkr á tímabilinu, úr 2.028 mkr í lok árs 2016 í 1.468 mkr eftir fyrsta hálfa árið 2017
- Eiginfjárhlutfall hækkar og er 43,8% í lok fyrri árshelmingis 2017 en var 33,7% í lok árs 2016
- Veltufjárhlutfall er 1,47 í lok fyrri árshelmingis 2017 en var 1,42 í lok árs 2016

TIL BIRTINGAR FÖSTUDAGINN 18. ágúst 2017  
<http://www.nyherji.is/nyherji/fyrirtaekid/fjarfestar/>

### Sjóðstreymi 30.06.2017

| Sjóðstreymi - Lykiltölur             |                    |                    |
|--------------------------------------|--------------------|--------------------|
| Í milljónum ISK                      | 1.1.-30.6.<br>2017 | 1.1.-30.6.<br>2016 |
| Handbært fé frá rekstri              | 332                | 506                |
| Fjárfestingarhreyfingar              | (354)              | (493)              |
| Fjármögnunarhreyfingar               | (292)              | (334)              |
| <b>Lækkun á handbæru fé</b>          | <b>(314)</b>       | <b>(321)</b>       |
| Áhrif gengisbreytinga á handbært fé  | (8)                | (5)                |
| Handbært fé í ársbyrjun              | 872                | 809                |
| <b>Handbært fé í lok tímabilsins</b> | <b>550</b>         | <b>483</b>         |

- Handbært fé frá rekstri er 332 mkr í lok fyrri árshelming 2017, samanborið við 506 mkr í lok fyrri árshelming 2016. Mismun má að mestu leyti rekja til breytinga í rekstartengdum eignum og skuldum
- Fjárfestingahreyfingar eru 354 mkr á fyrri árshelmingi 2017 samanborið við 493 mkr í lok fyrri árshelming 2016. Mismun má að mestu leyti rekja til minni fjárfestinga í rekstrarfjármunum á fyrri árshelmingi 2017 miðað við fyrri árshelming 2016
- Fjármögnunarhreyfingar eru 292 mkr á tímabilinu samanborið við 334 mkr árið 2016
- Handbært fé í lok tímabilsins nam 550 mkr samanborið við 483 mkr í lok fyrsta árshelming 2016

### Rekstrarniðurstaða á öðrum ársfjórðungi 2017

| Ársfjórðungsfirlit - Lykiltölur           |            |            |              |            |            |
|-------------------------------------------|------------|------------|--------------|------------|------------|
| Í milljónum ISK                           | F2<br>2017 | F1<br>2017 | F4<br>2016   | F3<br>2016 | F2<br>2016 |
| Seldar vörur og þjónusta                  | 3.608      | 3.996      | 4.233        | 3.429      | 3.794      |
| Vörunotkun og kostn.verð seldrar þjónustu | (2.705)    | (3.020)    | (3.125)      | (2.569)    | (2.863)    |
| <b>Framlegð</b>                           | <b>904</b> | <b>976</b> | <b>1.108</b> | <b>860</b> | <b>931</b> |
| Rekstrarkostnaður                         | (827)      | (879)      | (915)        | (746)      | (800)      |
| <b>Rekstrarhagnaður</b>                   | <b>77</b>  | <b>97</b>  | <b>193</b>   | <b>114</b> | <b>131</b> |
| Hrein fjármagnsgjöld                      | 133        | (28)       | (13)         | (16)       | (38)       |
| <b>Hagnaður fyrir tekjuskatt</b>          | <b>210</b> | <b>70</b>  | <b>180</b>   | <b>98</b>  | <b>93</b>  |
| Tekjuskattur                              | (29)       | (3)        | 19           | (22)       | (18)       |
| <b>Hagnaður tímabilsins</b>               | <b>181</b> | <b>67</b>  | <b>199</b>   | <b>76</b>  | <b>75</b>  |
| Þýðingarmunur dótturfélaga                | (15)       | 4          | (19)         | 17         | (2)        |
| <b>Heildarhagnaður tímabilsins</b>        | <b>166</b> | <b>71</b>  | <b>180</b>   | <b>93</b>  | <b>73</b>  |
| <b>EBITDA</b>                             | <b>211</b> | <b>194</b> | <b>335</b>   | <b>247</b> | <b>259</b> |

- Sala á vöru og þjónustu nam 3.608 mkr á öðrum ársfjórðungi, samanborið við 3.794 mkr á sama tímabili árið 2016, sem er samdráttur um 4,9%
- Framlegð nam 904 mkr (25,0%) á öðrum ársfjórðungi, samanborið við 931 mkr (24,5%) á öðrum ársfjórðungi 2016
- Rekstrarkostnaður var 827 mkr á öðrum ársfjórðungi (22,9% af tekjum), samanborið við 800 mkr (21,1% af tekjum) á öðrum ársfjórðungi 2016
- Hreinar fjármunatekjur eru um 133 mkr í fjórðungnum samanborið við fjármagnsgjöld upp á 38 mkr í sama fjórðungi árið 2016. Á fyrsta ársfjórðungi gerði félagið framvirkan samning um sölu á erlendum gjaldmiðlum til að verja að hluta til rekstrareiningar þar sem tekjur eru í erlendum gjaldmiðlum en kostnaður að stærstum hluta í íslenskum krónum. Gengishagnaður af samningum er bókaður undir Fjármunartekjum
- EBITDA nam 211 mkr (5,9%) á öðrum ársfjórðungi, samanborið við 259 mkr (6,8%) á sama tímabili í fyrra
- Heildarhagnaður á öðrum ársfjórðungi var 166 mkr

#### **Rekstur móðurfélagsins undir væntingum**

Afkoma Nýherja, móðurfélagsins, sem sérhæfir sig í sölu og þjónustu á upplýsingatæknilausnum, var undir væntingum á fjórðungnum. Tekjur á fyrri helmingi árs jukust um 7% en drógust saman á öðrum fjórðungi. Tekjusamdráttur var helst í sölu á miðlægum tækniþúnaði en fáir stórir samningar voru kláraðir á fjórðungnum. Góð eftirspurn var hins vegar eftir notendabúnaði af ýmsu tagi, PC tölvum, myndavélum og hljóð- og myndlausnum fyrir fyrirtæki.

Vöxtur í tekjum af hýsingar- og rekstrarþjónustu heldur áfram, um 20% á milli fjórðunga. Afkoma er ágæt og eftirspurn og horfur jákvæðar. Vaxandi eftirspurn var ennfremur eftir hugbúnaðarlausnum hjá viðskiptavinum, en Nýherji hefur lagt áherslu á þróun og sölu lausna á því sviði til þess að koma til móts við breyttar þarfir fyrirtækja.

Horfur í rekstri eru ágætari en áfram verður ögrandi að mæta fyrirsjáanlegum kostnaðarhækkunum, alþjóðlegri samkeppni og að vinna gegn neikvæðum áhrifum sem mikið flökt á gengi íslensku krónunar hefur á rekstur Nýherja.

#### **TM Software þróar nýja lausn fyrir bílaleigur**

Tekjur TM Software jukust um 7% á fyrri helmingi ársins frá 2016 og voru 618 mkr á tímabilinu. Tekjur og afkoma eru í samræmi við áætlanir. Góð eftirspurn var eftir lausnum félagsins á heilbrigðis- og sérlausnasviði og gróska í vöruþróun á sviði ferðalausna. Fyrsta útgáfa af Driver Guide, sem er ný tegund þjónustu fyrir bílaleigur og viðskiptavinum þeirra, kom á markað í öðrum ársfjórðungi. Lausnin veitir ökumanni og farþegum þjónustu og upplýsingar á ferðalagi í rauntíma, tryggir samskipti milli ferðamanna og bílaleigu og stuðlar að öruggari og ábyrgri ferðamennsku. TM Software hefur unnið að þróun lausnarinnar í ár, í samræmi við auknar áherslur félagsins á að þróa eigin lausnir fyrir ferðaþjónustu.

Verkefnastaðan er ágæt á flestum sviðum TM Software og horfur í rekstri góðar.

**Tempo Cloud for JIRA skapar ný tækifæri**

Tekjur Tempo, sem þróar samnefnda tímaskráningalausn, voru 8,4 mUSD á fyrstu sex mánuðum ársins og jukust um 36% (í USD) samanborið við árið á undan. Tempo hefur á síðastliðnum 12 mánuðum unnið að þróun á nýrri kynslóð af Tempo Cloud for Jira og hafa allir viðskiptavinir sem nota tölvuskýs-útgáfu Tempo verið fluttir yfir í nýtt umhverfi. Flutningur um 7.000 „cloud“ viðskiptavina hefur verið krefjandi verkefni en hefur í það heila gengið vel. Meginmarkmið með þróun nýju lausnarinnar er að bæta og einfalda virkni Tempo lausnanna, auka sveigjanleika og hraða vörupróunar til muna og opna fyrir samþættingu við aðrar skýjaþjónustur til viðbótar við JIRA frá Atlassian. Þessi áfangi felur í sér ný tækifæri til vörupróunar og möguleika á því að selja beint til viðskiptavina án aðkomu Atlassian, sem um leið stækkar þann markað sem Tempo getur boðið vörur inn á. Því er gert ráð fyrir að Tempo Cloud for JIRA muni stuðla að áframhaldandi kröftugum tekjuvexti Tempo, bæði með vörum frá Atlassian og á nýjum mörkuðum.

Á ársfjórðungnum bættust við ríflega 1.500 nýir viðskiptavinir en heildarfjöldi þeirra stendur nú í tæplega 11.000, sem er 33% vöxtur milli ára. Hjá Tempo vinna um 95 starfsmenn, þar af 30 í Norður Ameríku.

Áfram er unnið að undirbúningi og kynningarstarfi til fjárfesta í samstarfi við fjárfestingabankann AGC Partners í Boston. Félagið hefur verið kynnt á fjárfestaráðstefnum m.a. í San Francisco og London og fengið góðar viðtökur frá áhugasömum samstarfsaðilum.

**Kröftugur tekjuvöxtur hjá Applicon á Íslandi**

Afkoma Applicon á Íslandi, sem þróar og selur viðskiptahugbúnað, var ágæt. Heildartekjur Applicon námu 620 mkr á fyrri árshelmingi og jukust um 20% frá sama tímabili í fyrra. Þróun nýrra lausna hefur skilað sér í auknum áskriftar- og ráðgjafatekjum, m.a. vegna Kjarna, mannauðs- og launakerfi. Verkefnastaða er ágæt og af fjölbreyttum toga. Söluhorfur á lausnum félagsins á síðari hluta ársins eru góðar. Búið er við ágætum tekjuvexti og bættri afkomu auk þess sem áfram verður lögð áhersla á þróun núverandi lausna.

**Ágæt afkoma í Svíþjóð**

Rúmlega 20% tekjuvöxtur (í SEK) var á fyrsta árshelming hjá Applicon í Svíþjóð og tekjur námu um 48 mSEK. Félagið sérhæfir sig í hugbúnaði fyrir banka og fjármálafyrirtæki og vinnur að umfangsmiklum verkefnum fyrir SBAB og Landshypotek Bank. Afkoma af rekstri félagsins var góð og sömuleiðis eftirspurn eftir þjónustu, einkum hjá núverandi viðskiptavinum sem bæta við sig þjónustupáttum. Horfur eru góðar og gert ráð fyrir áframhaldandi auknum umsvifum og fjölgun starfsfólks.

**Horfur**

Horfur í rekstri Nýherjasamstæðunnar eru góðar. Gert er ráð fyrir hóflegum vexti tekna og sambærilegri afkomu af rekstri og hefur verið síðustu misseri.

**Hluthafar**

Markaðsvirði fyrirtækisins í lok annars ársfjórðungs 2017 var kr. 14.928 mkr. Lokaverð hlutabréfa í ársfjórðungnum var kr. 32,55 á hlut. Fjöldi útgefinna hluta þann 30. júní 2017 voru 459 milljónir og voru hluthafar 537 talsins.

## Kynningarfundur þann 21. ágúst 2016

Kynningarfundur fyrir fjárfesta og markaðsaðila verður haldinn mánudaginn 21. ágúst 2017 í höfuðstöðvum félagsins að Borgartúni 37 í Reykjavík kl. 08:30. Finnur Oddsson, forstjóri mun kynna afkomu félagsins. Hægt er að nálgast streymi af fundinum á heimasíðu félagsins. Kynningarefni af fundinum verður hægt að nálgast á heimasíðu félagsins, [www.nyherji.is](http://www.nyherji.is), að honum loknum.

## Fjárhagsdagatal

- 25.10.2017 Þriðji ársfjórðungur 2017 uppgjör.
- 31.01.2018 Fjórti ársfjórðungur og ársuppgjör 2018.
- 02.03.2018 Aðalfundur ársins 2017.

## Samþykkt árshlutareiknings

Árshlutareikningur var samþykktur á stjórnarfundum Nýherja hf. þann 18. ágúst 2017. Uppgjör Nýherja hf. er í samræmi við alþjóðlega reikningsskilastaðla (IFRS-International Financial Reporting Standards).

## Nýherji hf.

Nýherji er samstæða fyrirtækja í upplýsingatækni. Nýherji er þjónustufyrirtæki og hlutverk fyrirtækisins felst í að aðstoða viðskiptavinum að ná enn betri árangri í sínum rekstri með aðstoð upplýsingatækni, sérfræðipækkingu starfsfólks og lipurri þjónustu. Hlutabréf Nýherja hf. eru skráð í NASDAQ OMX Iceland hf. (Kauphöll Íslands) undir auðkenninu NYHR.

Í stjórn Nýherja eru Ívar Kristjánsson, stjórnarformaður, Hildur Dungal, Emilía Þórðardóttir, Loftur Bjarni Gíslason og Guðmundur Jóhann Jónsson. Hjalti Þórarinnsson er varamaður í stjórn. Finnur Oddsson er forstjóri Nýherja.

## Nánari upplýsingar

Finnur Oddsson forstjóri í síma 862-0310 eða [fo@nyherji.is](mailto:fo@nyherji.is) og Gunnar Petersen framkvæmdastjóri fjármálasviðs í síma 825-9001 eða [gp@nyherji.is](mailto:gp@nyherji.is).

---

### Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins, en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.